


Cartas nordic

Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2014

■ **Berg, Svedia:** Le vista es dramatic – e phantastic, quasi difficile a comprender. Septe esclusas in un scala forma le Esclusas in Berg (o le Esclusas de Carl Johan) in le citate Berg al nord de Linköping. Le naves es transportate totalmente 18,9 metros in alto o a basso, e pro isto illo es appellate “le grande elevation”. Isto es le plus grande complexo de esclusas in le famose Canal de Göta, un via de aqua que va de Göteborg in le west a Stockholm in le est. Le tour dura cinque dies, e “Diana” sur le photo es un del tres grande naves special que transporta le touristas.

Le ambiente in Berg es agradable e reposante con belle natura – e le possibilitate de comprar un gelato durante le estate.

Texto e photo:
Thomas Breinstrup



Questiones

1. Que es si special con le Esclusas in Berg?

2. Describe que es le function de un esclusa.

3. Que es le famose Canal de Göta, e inter qual citates va illo?

4. Quando on visita le Esclusas in Berg al nord de Linköping durante un belle vespere estive, que pote on allora comprar, durante que on riguarda le naves esser elevate?

5. Como se appella un del naves que transporta le touristas?
